

ANEXO VIII

LOGOTIPOS

Ministerio de Trabajo e Asuntos Sociais

Secretaría Xeral de Emigración



MINISTERIO
DE TRABAJO
Y ASUNTOS SOCIALES



XUNTA DE GALICIA
PRESIDENCIA
Secretaría Xeral de Emigración

CONSELLERÍA DE POLÍTICA TERRITORIAL, OBRAS PÚBLICAS E TRANSPORTES

Orde do 29 de xuño de 2007 sobre aprobación definitiva da modificación puntual do Plan Xeral de Ordenación Municipal do Concello da Coruña relativa á norma zonal 9 de actividades económicas.

O Concello da Coruña remite o proxecto de modificación puntual referido, solicitando a súa aprobación definitiva, conforme o artigo 85.5º da Lei 9/2002, do 30 de decembro, de ordenación urbanística e protección do medio rural de Galicia.

I. Antecedentes.

1. O Concello da Coruña dispón na actualidade de Plan Xeral de Ordenación Municipal aprobado o 19-10-1998.

2. Antecedentes administrativos:

-O Concello Pleno, en sesión de 2-10-2006, acordou a aprobación inicial da modificación puntual do PXOM. Non foi solicitado informe previo á Dirección Xeral de Urbanismo por entender que o proxecto atópase dentro dos supostos regulados no artigo 93.5 da Lei 9/2002, de ordenación urbanística e protección do medio rural de Galicia, modificada pola Lei 15/2004, do 29 de decembro.

-O expediente foi sometido a información pública logo de publicación de anuncios nos xornais *El Ideal Gallego*, *La Voz de Galicia* e *La Opinión de A Coruña* todos eles en data do 20-10-2006, e no *Diario Oficial de Galicia* nº 210 do 31-10-2006, presentándose un total de tres alegacións durante o dito trámite, segundo certificado do secretario xeral do concello que se inclúe no expediente para o efecto.

-No expediente constan os seguintes informes:

Ministerio de Fomento. Demarcación de Carreteras del Estado en Galicia, de data 28-11-2006, en sentido favorable.

Dirección Xeral de Obras Públicas da CPTOPT de data 5-2-2007, en sentido favorable.

Dirección Xeral de Desenvolvemento Sostible da Consellería de Medio Ambiente e Desenvolvemento Sostible, que comunica a Decisión do 8-3-2007, da Dirección Xeral de Desenvolvemento Sostible segundo a que «non é necesario someter ao procedemento de avaliación ambiental estratéxica a modificación puntual».

Así mesmo, consta no expediente informe-proposta de data 23-2-2007 asinado entre outros polo asesor

técnico, e o arquitecto xefe do departamento de planeamento en sentido favorable á aprobación provisional, co que se dá cumprimento ao establecido no artigo 85.4º da Lei 9/2002.

-O Pleno do concello, en sesión de data 5-3-2007, acordou a aprobación provisional da modificación puntual do PXOM relativa á norma zonal nº 9.

3. O proxecto, redactado e asinado en data marzo 2007 polo arquitecto xefe do departamento de planeamento do concello, consta dun tomo escrito integrado por 35 follas nas que consta a dilixencia acreditativa de que o documento «dá cumprimento ao acordo plenario de 5-3-2007 polo que se aprobou con carácter condicional e provisional a modificación puntual do PXOM en canto á norma zonal nº 9 Actividades económicas».

II. Consideracións e fundamentación.

II.1. Con data do 27-6-2007, a Dirección Xeral de Urbanismo elevou un informe-proposta de resolución, no que se expresa o seguinte:

1. A modificación é formulada polo Concello da Coruña e ten por finalidade modificar as determinacións da norma zonal nº 9 de actividades económicas. Por unha parte incorpórase a regulación das condicións de edificación na norma zonal nº 9 grao 3 («Grandes superficies»), que actualmente carece de contido normativo, e ademais propónse incluír dentro dos usos alternativos da norma zonal 9 grao 2, as categorías 4ª (Establecementos asociados espacialmente: Mercado de abastos. Galerías comerciais, conxunto de tendas sen limitación de número por especialidade. Centros comerciais. Conxunto de tendas planificadas como totalidade e que poidan conter grandes superficies) e 6ª (Establecementos de exposición e venda de vehículos con ou sen pequenos talleres anexos) do uso terciario comercial.

2. Razóns de interese xeral nas que se fundamenta a modificación (artigo 94.1º da Lei 9/2002):

As razóns sinaladas no proxecto céntranse na necesidade de regular as condicións edificatorias da norma zonal nº 9 no seu grao 3 «Grandes superficies» dado que, se ben esta norma zonal está grafada nos planos de ordenación do PXOM vixente, carece de contido no texto normativo. A xustificación achegada respecto da incorporación das categorías 4ª e 6ª do uso terciario comercial como usos alternativos dentro da norma zonal nº 9, grao 2, é a existencia de gran número de establecementos comerciais e concesionarios de automóviles que non están recollidos pola norma zonal actualmente de aplicación.

Respecto da definición das condicións edificatorias do grao 3 da norma zonal nº 9 considérase que está

xustificado o interese xeral da modificación nos termos establecidos no artigo 94.1 da Lei 9/2002. Non obstante respecto da incorporación das categorías 4ª e 6ª do uso terciario comercial dentro dos usos alternativos non se achegan datos concretos que permitan avaliar a necesidade e interese xeral desta modificación, se ben trátase dunha determinación que se inscribe no ámbito das competencias urbanísticas municipais.

3. A modificación limítase a establecer ou alterar contidos das ordenanzas (normas zonais) do plan xeral e, por tanto, as funcións que lle encomenda o artigo 85.7º da Lei 9/2002, a esta consellería para resolver sobre a aprobación definitiva deben cinguirse a tales cuestións.

A modificación non expresa en detalle ningunha xustificación sobre algúns dos contidos relativos ás condicións de edificación no grao 3 da norma zonal 9, como a coherencia da tipoloxía construtiva permitida coa tipoloxía arquitectónica característica no contorno, o feito de que a proposta de ordenación estableza ata tres supostos de edificabilidade diferentes, ou o feito de que no grao 3º se fixen unhas condicións de ocupación e altura máxima superiores ás que corresponden aos graos 1º e 2º da mesma norma zonal. O Concello debería explicitar as razóns nas que se fundamentan as propostas de modificación, se ben se trata de aspectos discrecionales propios da competencia municipal respecto da definición do modelo de ordenación.

Sen prexuízo do antedito, non se detectou ningunha circunstancia que impida outorgar a aprobación definitiva á modificación puntual, se ben cómpre indicar que o punto b.4)-edificabilidade-da norma zonal 9 grao 2º (páxina 25) establece unha excepción para o cómputo de edificabilidade das plantas de semisoto que non se axusta ao que establece o artigo 46.6.a) da Lei 9/2002, polo que debe ser suprimida tal excepcionalidade.

II.2. De conformidade co artigo 89 da Lei 9/2002, do 30 de decembro, de ordenación urbanística e protección do medio rural de Galicia, e co artigo 1 do Decreto 519/2005, do 6 de outubro, polo que se establece a estrutura orgánica da Consellería de Política Territorial, Obras Públicas e Transportes, a competencia para resolver sobre a aprobación definitiva dos plans xerais de ordenación municipal lle corresponde á conselleira de Política Territorial, Obras Públicas e Transportes.

III. Resolución:

Visto canto antecede,

RESOLVO:

Primeiro.-De acordo co punto 5.a do artigo 85 da Lei 9/2002, do 30 de decembro, de ordenación urbanística e protección do medio rural de Galicia, aprobar definitivamente a modificación puntual relativa á norma zonal 9, de actividades económicas, do PXOM do Concello da Coruña, quedando expresamente suprimida a excepcionalidade que se establece no punto b.4)-edificabilidade-da norma zonal 9 grao 2º (páxina 25), respecto ás plantas de soto e semisoto.

Segundo.-Contra esta orde cabe interpoñer recurso contencioso-administrativo ante a sala correspondente do Tribunal Superior de Xustiza de Galicia, no prazo de dous meses, que se contarán desde o día seguinte ao da súa publicación, segundo dispoñen os artigos

10 e 46 da Lei 29/1998, do 13 de xullo, reguladora da xurisdición contencioso-administrativa.

Terceiro.-De conformidade co disposto polos artigos 92 da Lei 9/2002, e 70 da Lei 7/1985, do 2 de abril, reguladora das bases de réxime local, o concello deberá publicar no BOP a normativa e ordenanzas da modificación aprobada definitivamente.

Cuarto.-Notifíquese esta orde ao concello e publíquese no *Diario Oficial de Galicia*.

Santiago de Compostela, 29 de xuño de 2007.

María José Caride Estévez
Conselleira de Política Territorial, Obras Públicas
e Transportes

CONSELLERÍA DE EDUCACIÓN E ORDENACIÓN UNIVERSITARIA

Orde do 26 de xuño de 2007 pola que se autorizan as ensinanzas de educación para persoas adultas en centros de educación e promoción de adultos dependentes da Consellería de Educación e Ordenación Universitaria con sede en institucións penitenciarias.

A Lei orgánica 2/2006, do 3 de maio, de educación, establece no seu artigo 5.2º que o sistema educativo lles facilitará ás persoas adultas á súa incorporación ás distintas ensinanzas, favorecendo a conciliación da aprendizaxe con outras responsabilidades e actividades; e no seu artigo 67.6º, que a Administración educativa garantirá á poboación reclusa o acceso ás ensinanzas para as persoas adultas.

Co fin de adaptar a oferta da educación secundaria obrigatoria ás condicións, necesidades e intereses das persoas adultas, ditouse a Orde do 26 de maio de 1997, pola que se establecen as liñas básicas para o desenvolvemento do currículo das ensinanzas conducentes ao título de graduado en educación secundaria para as persoas adultas, e pola que se regulan as ensinanzas iniciais de niveis I, II e III conducentes ao título de graduado en educación secundaria.

De acordo co establecido no Decreto 116/2007, do 31 de maio, polo que se crean centros específicos de educación e promoción de adultos con sede nos centros penitenciarios de Galicia, estes centros terán como finalidade facer efectivo o acceso das persoas internas en establecementos penitenciarios ás ensinanzas de persoas adultas.

En consecuencia, esta consellería, de conformidade co establecido no Decreto 585/2005, do 29 de decembro, polo que se establece a estrutura orgánica da Consellería de Educación e Ordenación Universitaria, que lle atribúe as competencias e funcións en materia de planificación, regulación e administración do ensino regrado en toda a súa extensión, e tendo en conta o informe da Dirección Xeral de Formación Profesional